

愧

瘖

集

愧瘖集卷之十

莆田二山野人

七言律

過僊霞關二首

蒼茫肩輿日再午  
杳靄天外僊霞關  
白衣蒼狗雲生谷  
漱玉鳴金泉在山  
旌旗近散貔貅戾  
簪紱初辭鷓鴣班  
瓣香矯首叢祠裏  
行客悠悠萬里還

征衫空翠何嫌濕  
百丈攀援雲作梁  
關山鳥道

當形勝閩越星纏眇大荒玄猿崖瞑坐啼月蒼  
隼林深飛抱霜流年乍喜還家近岐路初驚去  
國長

晚泊武夷二首

青山碧水萬緣空搖落南歸過禁宮谿上棹歌  
迷九曲雲間洞笛眇孤篷宦情鬢髮滄洲晚世  
路風波夕照紅天際虹橋如可度憑雲倘遇采  
真翁

僊客孤槎多野興鳴鐘方外欲餐霞石梁月色

迴峰白鐵嶺桃枝入洞斜  
向晚仙都雲共紫  
前時道侶鬢雙華  
寒燈寂寞誰懸榻  
一夜青門夢種瓜

遊歸宗巖二首

路入歸宗別一天  
雲達烟渚隔芝田  
丹霞九戶石牀隱  
碧樹孤峯鐵笛懸  
雪裏飛泉還百道  
洞中少鶴欲千年  
閒情祇愛長生籙  
誰訝林逋非謫僊

野人歸自長安道  
萬里看雲思故鄉  
翻愛神僊

遺劍歸直從湖海泛滄浪幽花風動寒山碧野  
菊霜浮午院芳寂寂鐘聲環翠宇欲從支遁借  
繩牀

芋原黃小江副憲留飲二首

坐聞佳句振詩豪十月霜花見絳桃榕館雲青  
天路遠芋原潮白海門高巨卿留客催杯酒漫  
士還家戀綈袍烏石梅岡桑梓近白湖遙夜興  
蕭騷

北極垂青海外臺切紫虛詩壇登退食道錄誦  
端居泛愛疑知我撫謙益愧予江湖鴻鴈少問  
訊訂來書

懷武夷

憶入清都別有天夢中今夜宿桃川虛看紫籙  
開金筍欲采青芝到玉田九曲晴流收嶂雨千  
峰寒月上谿煙道人慣識初來路獨對幔亭思  
眇然

懷歸宗巖

歸宗隔水邀雙棹十里看山興不孤谷口烟霞  
多變幻空中樓閣半虛無靈巖樹暖曇雲抱古  
塔風高海鶴呼夢覺山僧驚晤語照人江月過  
平湖

集諸友谿聲閣并遊諸寺

說劍何辭舊日貧江城望眼幾經春讀書深院  
懷良友歌咏晴雲憶古人瓊瀑布梁流齒齒錦  
苔巖洞茁鱗鱗寒辰酩酊凭谿閣晤語僧驚白  
髮新

上方鐘鼓朝迎客高殿風烟杳靄間最憶兒童  
知擇勝却憐衰病偶乘閒雲披寶樹寰中界日  
射曇花海上山坐遍清齋淹茗飲石門白鶴晚  
飛還

梧朧飛淨蓮花井寒日荒荒雪後天僧飯鐘鳴  
雙鳥近村醪歌對九龍懸香風萬竹谿聲月翠  
巘叢林谷口煙佛子言詮吾亦解虎谿岑寂意  
翛然

招提霞外絕塵埃折簡相邀載酒來興動友朋



期脫屣眼明松石共登臺遠公蓮社三賢隱阮  
籍淇林七子才楚燕粵鴻兵定後更應玄圃夢  
遲廻

宋貴飾先生邀予翁飲東山召予爲別

梅花開報早春還塔院行杯半日間千野蒼霞  
來海上兩翁白髮照雲間聽玄屢叩高賢榻贈  
劍初歡遊子顏去住浮萍應不定向來清夢繞  
東山

芋源曉發

渺渺孤航記去程中流簫鼓夕陽鳴九龍潮湧  
江門白五虎山低海氣橫厚祿壯心慚報答浮  
名南國漫經營呼兒共酌杯中酒回首白雲天  
外城

水口驛道中

野樹烟荒朔氣清迴谿沙白渚流平南來旌旆  
侵星發秋盡愁雲逐馬生鳥外舟航連水國江  
邊村落宛山城紫微畫閣憐生理壺榼蘭橈繫  
遠情

慰鄭君平無訊姚愚昭鄭節器

鄭子才華彩鳳姿秋風錄羽下天池紫霄意氣  
孤桐在青鬢行藏一劍知却喜龍門還舊學偶  
懷烏石寄新詩姚山鄭谷相思久夢裡曾驚泣  
路岐

曾東石郡守招飲肝江驛奉贈

江上重逢曾少岷朱轡白馬鬚雙玄一麾望重  
雲霄侶三載懷高山水緣帝子瑤臺連紫極僊  
都瓊樹渺蒼烟使君暇日多題品應有新詩

我傳

宣風館次壁間韻二首

殊方行客一浮萍  
野色鶯聲憇此亭  
翠竹雲來山入座  
碧莎風靜水連汀  
浮名去國頭將白  
多病逢人眼共青  
楚甸依微湘水外  
醴陵西望樹冥冥

匆匆客袂驚岐路  
冉冉年光憶故園  
吳地風塵千里淨  
萍鄉花鳥一春繁  
遠天雨色含西日  
別館鐘聲送晚尊  
更喜銷愁同謝朓  
木蘭歸興入

吟魂

弔賈子祠次唐人韻

扁舟斜日客來遲  
遠望荒祠意益悲  
漢室英賢多去國  
洛陽勲業未逢時  
江流歲月孤臣恨  
草色宮牆野老知  
一謫西陵驚更遠  
幾回飛夢紫雲涯

避風朱家舖與謝子同飲二首

遠浦悲風捲茅屋  
酒杯撥悶轉堪憐  
冥雲連樹少棲鳥  
駭浪翻江無去船  
楚童巴舞藉春草  
舟

子夷歌悵遠天回首江陵發孤嘯玉樓桓榭何處邊

清晨鼓棹日光夕江茅吹風沙氣黃天地無情  
莽瀕洞蛟龍得意輕蒼茫別家花鳥春事暮病  
髮江湖夢思長青袍墨綬吾何有與爾觥杯看  
干將

泊舟漫書

宜都西望夷陵城津吏遙遙報水程風靜白灘  
雙鷺立雨餘紅日百泉清驚心虛憶懸刀夢剛

足空憐泣玉情  
河草崖花催節序  
孤舟飄泊任  
吾生

武昌同羅戶部汝延登黃鶴樓二首

松齋桂牖磬聲秋  
勝日振衣百丈樓  
山色遶天飛白鳥  
江流晴靄匯滄洲  
老僧談偈頻栖寂  
逐客逢時迥散愁  
登覽何緣同道侶  
漫招黃鶴思悠悠

壯遊聊復野人情  
灑灑長歌漢上城  
鐘鼓九秋霜月白  
樓臺三楚渚雲平  
風塵芻牧談王伯  
今

古江山闕戰爭欲遣真陽歸玉珮凌虛隨處洞  
簫聲

到夷陵卽事二首

江城如斗近青霄流水浮雲旅思遙漫喜流年  
還飽食每逢過客話清朝鶯聲高柳寒猶澀雨  
色西峰午漸消豈有窮途甘蹭蹬未應人事嘆  
蕭條

省卽遷客春初到廊廟江湖地自分峽口灘翻  
晴雪水荊門樹出午山雲曹劉霸氣三分策屈



宋風流絕代文燕寢香清官舍曉孤城花雨欲  
繽紛

擬遊江洞柬王明遇少叅地主

垂楊黃鳥暮雲飛騎馬看君獨閉扉歸路轉驚  
初月上幽期惜與故人違江干洞笛舊遊迴谷  
口烟花共翫稀候客兒童知酒價未應地主典  
春衣

江上雨晴

落日長江霽色開遠天逐客獨登臺五更風雨

梨花劇三峽魚龍蹴浪來雲子一簾誰下楊竹  
枝幾曲共行杯秣陵回首長安遠極目蒼茫增  
暮哀

故園

故園回首木蘭橈斷送歸心轉寂寥是處池塘  
虛夢草昔年羅几靜聽蕉西陵江眺迴春棹別  
洞雲遊隔午橋乳燕啼鶯隨節序夢中曾侍紫  
宸朝

三遊洞次見素叔祖韻二首

野航雙渚午風清洞口煙霞過客情地僻杜陵  
無酒債官閒謝傳有詩名溪光古榻留雲白物  
態玄官擘石成歸棹未須催日暮放歌還趁月  
華行

始憐人世有丹丘洗醺清谿漾碧流通旅不辭  
今日醉玄蹤還念昔賢遊乍聞鐘鼓猿群近竝  
坐松篁鳥語幽浪迹豈應稱吏隱巖花洞草偶  
相求

漫客謀生道未踈却慚多病似相如素桐風月  
稀音遠獨鶴谿山短夢虛扁落故人思舊雨平  
安老母報新書華軒赤紱茫茫債欲傍湖西水  
竹居

懷西亭子中尉

端居忽念西亭子楓葉相催白髮生寶劒七星  
流藝苑明珠雙乘照詩城他年聞鴈千峰雪此  
日停雲萬里程惆悵無因能晤語漫郎久與白  
鷗盟

寄彭知州爾玉二首

江城到日春初暮刺史長安尚旅衣  
正馬門前終日繫孤舟漢上幾時歸  
耕朝山雨蒼龍見蠶月邨烟黃鳥飛  
惆悵思君遙寄語西陵吏隱似今稀

黃陵石上鷓鴣啼春日舟閒野水西  
客夢欲招橫海鶴旅愁誰聽度關雞  
紫霞宮闕鳴鐘曉白羽烟花簇仗低  
二水三山浮玉氣薊門燕樹望中迷

東伍正郎全二首

伍督採大本任劄岳州已六載矣兩宮大工近日備制有獎典

長安燈火舊相過六載移官出網羅去國路岐  
連楚越驚心世變渺江河曹郎行部黃麻詔郢  
客留賓白雪歌天上未央應壯麗賜金增秩喜  
如何

漂泊何緣到楚鄉思君風雨欲登堂兩宮梁棟  
來寰宇三省舟車接太荒黃鶴君山招帝子白  
雲湘水弔軒皇騷壇辭苑晴雲近報國憂時清

畫長

澧州呈李國寶先生

寂寂門墻揚子居年來玩世意何如  
白袍鶴隴多徵詔青鬢鹿門有隱書  
遲日江空飛屬玉曉雲沙暖長芙蕖  
鄴侯勲業衡山重回首高風一起予

澧州江行至會口即事三章

方舟欲發渺何許祇役彷徨驚急流  
關山近郭楊梅熟澧水夾堤芳杜幽  
覽勝偶讀詩隱傳探

奇還登仙眠洲楊柳黃鸝慰遲暮湘江日夜雲

悠悠

李群玉舊讀書地  
併洞賓仙遊處

淡旬湖雨忽始霽首夏江雲今漸舒蘭芷惟懷

楚客淚薜蘿疑有仙人居來鷗去鳥入暝色秀

野芳洲廻碧虛何許嘉山不可見囊螢遺事千

年餘

車胤生  
於嘉山

蛟龍偃蹇長吹雨會口水多生畫煙旌旗旬月

聊復渡湘浦風波空爾憐綠疇渺渺沒新漲芳

樹綿綿低遠天場苗曾是喟薄劣覽物徒悲觀



風篇

東澧州余知州珊二首

刺史當年老諫臺一封慷慨奏蓬萊文章定價  
空餘子論議孤芳動上台千里謳歌循吏蹟十  
年流落放臣材來鴻去燕相思地弔汨懷沙首  
重回

瓊瑤未報此生緣芸館冥階病髮前逐客襟期  
官長識使君風節野人傳九江別夢千峰月三  
峽羈愁萬里煙爲謝衡山賢柱史五年茅宇靜

談玄

泮涯李公如圭御史家  
食數年監試予忝中式

彭守述職還

曉日東郊拜使車  
江城長夏雨晴初  
歌聲細柳流鶯緩  
舞影空郵乳燕踈  
聯壁筵開青嶂晚  
聚星堂入碧雲虛  
細侯旌旆人爭覩  
不獨風流一起予

彭守席上卽事

天末相逢一振衣  
南州莫漫壯心違  
交期燕楚頻離合  
世路風塵各是非  
並立童歌淹午簞  
獨

醒僊袂拂斜暉使君愛客能投轄坐對江城望  
翠微

寄席材同三首

蜀山西去渺風煙搖落思君一點然客意獨驚  
楓葉晚鄉心偏戀菊花天孤城夢入還家路寒  
日雲生去國船莫爲猿聲頻下淚汨羅遺事總  
堪

三峽江聲日夜浮放臣飄泊有孤舟唐卿潭野  
猶憶譴賈傅長沙亦壯遊洞口紫霞頻遲客尊

前白鶴好鳴秋東行津鼓何時發爲報雙魚解  
別愁

秋興寄余君錫黃門周彥通侍御二首

岐路秋風憶舊緣興來長賦帝京篇乾坤雙鬢  
頻爲客湖海孤槎不紀年落木天高寒度鴈暮  
江雲迥暝啼猿金門仙侶如君少諫草遙聞白  
下傳

空階看雨罷晨飡瓦鼎香煙度短闌秋序愁添  
芳草歇楚江夢斷晚楓寒移官未獻河東賦拜

將頻聞薊北壇滿地風烟歸燕子翠華行在五  
雲端

八月十五彭守官齋宴集

殊方看月共詩壇刺史邀賓禮數寬玉闕光涵  
千里白滄江影湛九霄寒官清樽俎謀良夜歲  
稔笙歌足大歡白下定應秋事滿祗疑風雨過  
長安

十六夜邀彭守飲作

宦情人事共悠悠清景長空萬里浮南國寒城

疑不夜西陵春釀值中秋  
奠曙依檻尊前笛桂苑  
歌雲江上樓更與使君  
談勝賞明年此夕重淹  
留

十七日集彭守內弟潘克明

去歲潞河欲買舟都門別  
酒喜相留今年羈館初  
迎客楚榻清歌共散愁  
秋色滿城烏繞樹鄉心  
遙夜水明樓潘郎邂逅  
驚斑鬢紫桂青楓賦遠  
遊

逸人任晉江教諭

悲歌白髮幾清秋  
絳帳南遷復勝遊  
萬荔平分村落雨  
群山遙入海門流  
孤舟月色懸雙劍  
瘦馬霜花落敝裘  
十載馬卿還蹭蹬  
長楊詞賦曲江頭

自西陵下宜郡

小艇終風吹暮寒  
背巖遙指菊花看  
山含返照分晴樹  
石湧滄浪入遠灘  
雲裏棹歌聽欲近  
磯邊漁釣戀應難  
江湖歲晚甘漂泊  
誰信馮郎劍可彈

避風流店夜會彭爾玉

楚天涼序倍淒其獨客舟航有所思斗酒偶從  
流店得燈花真喜細侯期江翻高浪魚龍泛雲  
浪寒光島嶼移白柳丹楓淹去棹野簫清管劇  
催詩

江陵舟中

鳴榔隨處動羈心十里江門流水深萬事敢憐  
宣室召百憂那免郢人吟行蒲秋盡風烟滿哀  
壑寒多日月陰舊跡繁華分鼎地數丘寥落悵



如今

擊楫

擊楫漫驚連野宿  
看山翻喜罷江行  
高天皓日寒初斂  
別浦晴洲水共明  
風策饑鳥終遠去  
雲移候鴈已南征  
鄉心世事堪搖落  
安得薄遊如郅生

宜都舟中

丹樹千楓背夕陽  
數聲殘角楚天長  
虎灘漠漠蒼煙外  
雀舫荒荒白鴈旁  
野淨雲流石壁暝  
江

清崖照菊花黃蕭然獨愧杜陵老翠管銀章憶  
帝鄉

端居

端居頻戀老萊衣敢向清時早息機客裡芳尊  
憐獨酌夢中白鶴喜同歸孤城山雨連雲下野  
寺鐘聲隔水微回首故園風雪少幾時鴻鴈復  
南飛

答翁守洪水部

昔聞閭闔候明君鐘鼓昭陽清晝聞紅日靈臺

鳳鳥至碧霄仙掌露華分  
薊門鴈字浮湘水峽口猿聲斷楚雲珍重友生勞  
記憶尺書迢遞惜離群

歲晚有懷寄余德輝李川甫二知州二首  
遼陽征戍尚遲歸惆悵蘭閨未寄衣  
三載霜砧魂共斷九關羌笛夢全微  
雲中龍下淮南見江左鴻過冀北飛  
驛使偶逢談信息長城晴雪漸春暉

百和香清彩袖籠曉絨離札寄郵筒  
少年耐性

禁春恨短日懷人任晚風肯信楚山雲雨別翻  
憐湘浦蕙蘭空比隣遊女誰同伴滿把寒芳語  
笑中

攜酒候席判官二首

日日相思到水涯朝來津吏報僊槎漫郎作客  
曾題在羈旅逢君倍憶家十里看山寒雨棹一  
尊談劒寒江花浮生是處應如寄青鬢風塵感  
歲華

歲晚江城闕使星東遊逐客一浮萍南津流水

來蘓渡幾樹斜陽至喜亭四海親朋吾獨病三  
間豪傑爾同醒竹枝淒切歌雲白風動蒹葭滿  
楚汀

除夕

去辛此夕東山舍漂泊今年憶故園海上音書  
無信使天涯涕淚滿清尊寒城三殿江湖夢舊  
業雙峰薜荔村守歲燈花催曉漏西陵春色動  
千門

西陵元日祝

聖

辛巳

殿香繚繞散氤氲仗外鐘聲拂曙聞  
雙陛獨懷鵷鷺侶六年頻覩鳳麟文  
共欽建業迴黃幄卻望昭陽拜紫雲  
半刺恩深思報答江城春色喜平分

同黃德和郎中席材同判官遊三遊洞

輕寒發舸開晴霧幾樹濱江啼亂鴉  
珠露光分青蘂竹鏡天清蘸碧溪  
花芳尊邂逅春同賞勝日攀留興未賒  
准擬石門僊侶約碧簫吹徹洞天霞

三遊洞次黃郎中韻

小艇平流殘雨後殊方佳會更歡娛玄崖草短  
雪光亂白水灘高雲氣孤萬里風烟淹病客兩  
溪漁釣憶潛夫春山登覽憐同志谷口從君覓  
酒厨

三遊洞次席判官韻

宦情閒氣近全消落落尋真共楚謠斷壘連雲  
巴樹濶晴江入峽楚天遙杖藜雪後陪青瑣問  
竹山深度野橋空翠留人歸路晚風帆共坐月

中簫

登山呈黃席二兄二首

雲樹霏微接遠天，蒼屏綠几酒杯前。  
夢中風雨俱遷客，句裡江山獨浪仙。  
春淺朱花初抱日，寒輕青鳥更啼烟。  
三年俗吏無飛舄，回首千門思惘然。

邀賓迢遞出江城，十里看山載酒行。  
徑竹留雲低洞室，岩花過雨拂塵纓。  
史遷文藻遨遊日，王粲才華旅寓情。  
海內同袍相慰藉，楚天芳樹九



流清

羈旅

羈旅何當憶草廬倦遊那可賦閒居山城隔歲  
停雲遠澤國初春過鴈踈浪迹未歸江北路窮  
愁應著郢中書湘蘭沅芷情何限吏隱年年食  
有魚

無題次李商隱韻五首

春夢無憑逐彩舟水寒煙淡自夷猶珮遺漢女  
情空結舞罷秦娥態欲留上苑流鶯芳樹曉九

霄鳴鶴碧梧秋瓊樓相見知何日寥落年華易  
白頭

寂寂愁城渺去蹤懷人起坐聽晨鐘雲生獨院  
春光杏花落疎簾別意濃並語雕梁驚燕子連  
枝綺檻憶芙蓉無端風雨蕭蕭暮魂斷三山翠  
萬重

鐵馬頻驚午夜風彩雲疑落畫欄東自憐朱幙  
經年隔誰道銀河有路通柳絮轉嗔愁裏白桃  
花還憶夢中紅鳴鳩乳燕春無賴強對菱花鬢

似蓬

簾幙輕風拂袖來  
低雲欲雨乍鳴雷  
金鈿較奕春仍暮  
寶鴨焚香日幾迴  
獨訝繁華叅佛偈  
誰憐妙寂抱僊才  
向來種卻忘憂草  
肯與芝蘭共燒灰

歌舞筵中入隊難  
眼前紅紫易凋殘  
年如西日畱難駐  
淚似東流拭不乾  
拾翠衣侵榆露濕  
題紅門掩閣雲寒  
朝朝疑有瓊瑤信  
長對遙天鴈

影看

東諸廣文遊三遊洞二首

千里思家情轉劇六年爲客路還迷西陵晴靄  
連巫峽南國春風靜鼓鼙雲笛屢招樵谷子野  
航曾逗武夷溪南津今古天遊路洞口清尊欲  
共携

三遊佳勝眇雲關數老詩篇重楚山漫客偶然  
淹病骨諸君聊爾浣塵顏晴江沙抱潭花白古  
洞嵐分石竹斑畱與西州稱勝事野花孤鶴共  
閒閒

南津泛舟同席材同三首

浮槎不入夜卽遊江到南津正穩流白馬風波  
翻碧落黃牛雲樹接青丘支溪暮漲桃花水細  
雨寒生杜若洲楚望遙遙同濩落夕陽偏照古  
今愁

黃鳥垂楊日影遲尋芳病起後花期兩年江上  
思餐菊幾夜山中夢種芝石几踈烟開野酌雲  
航晴樹颭春旗薄遊未覺西陵遠羸得官閒日  
賦詩

僊蹇餘生氣未降看雲臨水俯蓬窓千山龍氣  
噓三峽萬派鯨波滙九江客裏留春黃鳥並尊  
前招飲白鷗雙歸航是處聞村笛燈火山城迷  
彩幢

過黃陵廟

黃陵廟下三珠立萬里西流砥柱深舊浸石衣  
分紫翠驚濤鰲背倏浮沉遊仙舟近蛟龍窟弔  
古笛從颺颺吟千載川流思夏后登臨赤日晝  
陰陰

夕發黃陵

萬木輕霏氣似秋  
南津歸路越清流  
長年一夜疑風雨  
逆旅孤槎下斗牛  
山靜林猿收客淚  
江清村鼓散漁謳  
官閒况復遊名地  
濁酒新詩漫紀遊

鄭伯生視學滇中過家省親

春風持節燕南飛  
楚水華軒畫錦歸  
年少金章衣豸少  
省中翠管夢花稀  
孝先經笥傳荒徼  
賈子詞鋒動漢畿  
竹笋江魚新宴會  
滿城賓客拜

庭闈

與席材同飲

野人無家漫爲客逢君斗酒情更懸今雨不讀  
劉向稿他山應藏董狐編聖賢清濁吾黨共湖  
海醉醒天真全東郭南州足勝事蒼霞白屑江  
流前

用鄭伯生聯句韻紀遊一首

石門天柱千峰抱  
鳶徑靈芝萬古春  
飲猿將子溪迎客  
棲鳥呼雛樹近人  
壯懷未惜黃金盡  
多



病那驚白髮新行藏勳伐慚浮跡廊廟江湖合  
致身

答李川甫贈詩

汲水雙魚信再傳征亭別袂憶經年新詩白雪  
驚流輩逸氣青霄讓昔賢雲淨書齋看野馬竹  
寒藥院攬晴煙薇垣柏府逢君日羈旅相思倍  
黯然

病起書懷四首

涼雨瀟瀟坐黯然小庭踈草轉芊綿物華鬢髮

非今日吾道風塵異昔年遷客吏情驚  
楚甸薊門歸夢落江天楊雄待詔承明久  
寂寞從人議太玄

流水橋西澗野塘經旬風雨屢移牀  
山城何處偏宜暑客舍新秋已薦涼  
梅福市門淹歲月杜陵岐路信行藏  
天涯回首黃花候野老相看定舉觴

千載山衣笑結鶉小湖茅宇亦青春  
只今車馬隨南北浮世風塵漫屈伸  
清珮疎星違禁柳短

槎秋水轉江蘋。厭聞南國兵戈滿。愁對西風病髮新。

白髮山中音信稀。秋風應祇候南歸。亡羊失馬無消息。戰蟻栖鷄有是非。漢署他年談短劒。荆門雙淚負初衣。相思海國看雲近。歲晚椒觴願不違。

秋興答竇惟達給舍四首

西風吹雨御溝流。夢醒天涯罷倚樓。淵下白龍鱗介異。雲飛黃鵠羽毛脩。五年作客添秋鬢。萬

里懷人隔曉籌木葉簫簫連暮角高城刀尺易  
生愁

供奉班隨漢署香菲才那有賦長楊紫霄宮闕  
千門靜白塞風煙萬里長燕子全歸秋社雨梧  
桐欲老禁林霜雲中近報授衣節定采黃花入  
壽觴

海上邨居擁畫屏看雲天際幾流螢關河蒼莽  
浮秋序人事蕭條滯客星憤世賈生元自苦醉  
鄉王績欲無醒年來却憶東山路桂樹花開孤

草亭

省樹啼鴉晚漸過禁城秋色暝煙多班生賦好  
豈吾事平子愁深柰爾何歲月關心悲燕雀江  
湖回首夢松蘿燕雲萬里俱搖落惆悵僊郎白  
雪歌

恭讀 詔言感遇二首

帝語傳宣下北辰未央宮闕歲華新萬類發生  
同雨露十年魂夢出風塵青楓綠篠還朝日碧  
海滄江報主身望外賜環吾豈敢清時逐客共

簪紳

昔年恩譴出瀟湘  
吊屈懷沙感慨長  
對酒鶯聲殘午寂  
催詩花藥綴春芳  
神州赤縣狂夫老  
滄野清原古道光  
臺省近看耆舊入  
夢中風雨熟黃梁

送鄭伯生學憲之任雲南

鄭子雙旌去楚閒  
參差鳥道有無間  
青萍射斗通夷嶠  
彤管凌霄下漢關  
賓客九秋黃菊酒  
烟霞千古碧雞山  
南中文教瞻依地  
應與文翁化

蜀班

出郭二十里別父老諸生二首

父老相攜出郭門  
丹楓白柳黯銷魂  
倉皇不盡攀留意  
離別何堪涕泗言  
秋隴牛羊眠小野  
田家雞犬散孤村  
桐鄉遺愛吾何敢  
他日相談往事存

諸子翩翩垂劍佩  
西州文物更翛然  
起予高論親燈炯  
愛爾同心坐榻穿  
多病慚爲湖海客  
菲才頻下草茅賢  
秋風別緒蘭皋曲  
塞鴈江魚又

隔年

公服  
夜講

當陽玉泉寺謁胡文定墓祠

康侯不協于蔡京隱沮漳之間晚遇高  
宗進春秋傳未及大用而卒三子着籍  
當陽志云然崇安書院子若任四賢配  
焉嗣亦居崇安志云然意者還往閩楚  
兩地寓宅爾未有定論也賢者爲山川  
邦域重隨地紀錄若文定是也逆旅懷  
賢鄙句侯  
稽于後

宋室忠賢遺事在秋深行客儼瞻思玉泉  
僊蛻閒丘壠鐵塔僧鐘寂墓祠松不受封霜  
幹勁草能指佞雪根滋聖經萬古春秋筆  
史外傳心作



者誰

襄陽九日

襄陽九日憐爲客  
萸菊芳尊亦故吾  
地近雲霄邊報息  
時當風雨旅懷孤  
山中老馬知歸路  
天末冥鴻不受呼  
翻愧浮名牽歲月  
更驚清夢落江湖

上唐府右史朱韞軒先生詩二首

先生子祖文弘治辛酉居憂子從受舉  
子業正德甲戌子登第至巳卯謫夷陵  
無因侍教書問徒勤嘉靖壬午隨例召  
還益上二十餘載矣取道南陽叩拜函丈

悲喜交集續續逾  
分濱行錄存故實

過隙光陰夢裏驚  
踈簾香靄坐蒼屏  
師生二紀故園別  
江漢三秋羈旅情  
露灑碧闌庭  
菊麗日移丹幌  
石蒲清談經少日  
非聞道陶冶恩深冀  
晚成

白沙清泚南州勝  
五日浮蹤朔吹寒  
負篋敢忘垂髫教  
移官猶戀食貧簞  
淹留愈覺從師樂  
離別懸知行路難  
紛署賢郎頻志養  
幾回書札報平安

吳太守華留別樊城席上賦答

安陸荆襄  
龍飛大鎮

郡公清望迥人寰出餞樊城慷慨間賈船連雲  
過十里客亭臨水俯三山中興名勝尊周鎬南  
國提封扼漢關爲報循良今召杜浮名容易鬢  
毛斑

寄別彭守爾玉三首

北闕徵書夢寐疑仙踪迢迢壯遊時移官九載  
慚周粟惜別三秋誦楚辭黃菊酒杯催共醉白

雲親舍遠相思浮萍那復悲根蒂河朔江南總  
路岐

向來繾綣楊頻懸僚案交情去國年古道如君  
應變俗宦情於我亦隨緣秋高星斗迴銀漢日  
短風烟淨綺筵明發當陽霜驥遠次公襟抱楚  
山前

放臣六載舊鵷班寥落唐卿嶺表還去住華簪  
淹少壯行藏赤管寄江山渭城歌細燈初曙楚  
館鐘清漏未閒日斷西陵天際月別君慷慨破

愁顏

得家書二首

五月鄉書九月到，開緘應喜見吾翁。  
野瓢酌客蘿烟碧，山屐移邨荔雨紅。  
自放雲蹤隨野鹿，不教塵網落冥鴻。  
秋風夢裏還家路，海色江門一棹中。

碧雲烏石春逾靜，紫陌黃埃路更岐。  
楚徇轉驚爲客日，萊衣頻憶過庭時。  
尊前喜色雙魚動，海上歸心一鶴知。  
露下寒江幾回首，蛩鳴落照獨

支順

愧瘖集十卷終

愧瘖集

十卷

三